



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad  
Annum 1757 - Cum Appendice ad Annos 1744. 1745. 1748

**Luxemburgi, 1758**

XLVI. Olivetanæ Congregationis Privilegia a Prædecessoribus Pontificibus  
Pontificibus, & præsertim a Pio II. concessa confirmantur, & ampliuntur;  
novumque superadditur, quo ejusdem Congregationis ...

---

[urn:nbn:de:hbz:466:1-74789](https://nbn-resolving.org/urn:nbn:de:hbz:466:1-74789)

1755.

Nova impro-  
bi liberculi  
centura.

§. 2. Quapropter ne latius serpat, in Ecclesie animarumque perniciem, pravi dogmatis corruptela: Nos, quibus sanæ doctrinæ custodia, & Sacerdotalis auctoritatis propugnatio præcipue demandata est, pro sollicita, quam gerimus, Ecclesiarum omnium, & Christianidelium cura, Vos maxime, Venerabiles Fratres, monitis hortatofque volumus, ut procul ab ovibus Vestris exitialis hujusce doctrinæ patulum arceatis. Quod ut nomine quoque Nostro prestare valeatis, supra descriptum Librum quocumque idiomate impressum, vulgatum, aut scriptum, sub enunciatis censuris rejiciatis, reprobamus, damnamus, ejusque lectionem, retentionem, & usum, omnibus & singulis Christianidelibus, etiam specifica, & individua mentione dignis, sub pœna excommunicationis ipso facto absque alia declaratione incurrenda, a qua nemo a quoquam, præter quam a Nobis, seu a Romano Pontifice pro tempore existente, nisi in mortis articulo constitutus, absolutionis beneficium obtinere valeat, omnino interdiciamus ac prohibemus. Volentes, & Apostolica auctoritate mandantes, ut quicumque Librum prædictum, aut ejus exemplaria, sive typis impressa, sive manu descripta, penes se aliqua habuerint, ea, statim ac præsentibus litteris eis innoverint, teneantur tradere locorum Ordinariis, qui exemplaria sic tradita illico flammis aboleri curent.

Monitum ad  
Episcopos  
Regni Polo-  
niæ.

§. 3. Vos itaque, Venerab. Fratres, conjunctis nobiscum studiis, Pastoralis zelo, & Sacerdotali constantia, vigilate in custodiis vestris, ascendentes ex adverso, atque opposites murum pro Domo Israel, adversus vaniloquos, & seductores, docentes quæ non oportet; qui constitutos a Deo civilis potestatis fines amplificare, ac transilire moluntur, Ecclesie vero jura coarctare, imminuere, atque convellere student; & Divinis humana miscentes, Imperium & Sacerdotium feditiose committunt. Creditis vobis oves monete identidem, ut acquiescant sanis sermonibus Domini Nostri Jesu Christi, & ei, quæ secundum pietatem est, sanæ doctrinæ; non intendentes mandatis hominum avertentium se a veritate: reddant autem omnibus debita, quæ sunt Cæsaris Cæsari, quæ sunt Dei Deo. Interim Vobis, Venerabiles Fratres, ac universis Fidelibus regimini vestro subiectis, Apostolicam Benedictionem peramanter impertimur.

Dat. 4. Mar-  
tii 1755.  
Pont. an. 15.

Datum Romæ apud Sanctam Mariam Majorem die 14. Martii MDCCCLV. Pontificatus Nostri Anno XV.

D. Cardinalis Passioneus.



Olivetane Congregationis Privilegia a Prædecessoribus Pontificibus, & præsertim a Pio II. concessa confirmantur, & ampliuntur; novumque superadditur, quo ejusdem Congregationis Abbatibus indulgetur, ut in die festo S. Franciscæ Romanæ, Pontificalitus in Missa, reliquisque Officiis intra Ecclesias Conventuales Regularis Observantie uti possint.

### BENEDICTUS EPISCOPUS,

*Servus Servorum Dei. Ad perpetuam rei memoriam.*

CUM semper Apostolicæ benignitatis, & munificentie Nostre significationes in eos, qui sanctioribus Ordinum Regularium institutis addicti, uberes in vinea Domini virtutis, & honestatis afferunt fructus, libenter edidimus: tum verò eorum votis, ac precibus animum propensius intendimus, quum & petitiones æquitati consonas esse, & concessiones nostras ad augendam Dei gloriam, & Sanctorum cultum amplificandum opportunas fore conspiciamus.

§. 2. Sanè pro parte dilecti Filii Flaminii Gandini Abbatis, & Procuratoris Generalis Ordinis Sancti Benedicti Congregationis Montis Oliveti nuncupatæ, Nobis nuper exhibita petitio continebat, quod aliàs nonnulli Romani Pontifices Prædecessores Nostri dicte Congregationi diversa Privilegia, gratias, favores, & Indulta tum spiritualia, tum temporalia concesserunt, & præcipue felic. record. Pius Papa II. etiam Prædecessor Noster per suas Literas Apostolicas sub datum Petreoli Senensis Diocesis Anno Incarnationis Dominicæ MCCCCLXII. Tertio Nonas Octobris Pontificatus sui anno Quinto, inter alias gratias dicte Congregationi concessas, illius Abbatibus, Visitatoribus, Prioribus, Personis, Monasteriis, Prioratibus, Locis, & Membris, quod ipsi omnibus aliis, & singulis privilegiis, immunitatibus, exemptionibus, liberatibus, indultis, & gratiis, Congregationi Sanctæ Justine Paduan. ejusdem Ordinis, ejusque Monasteriis, Prioratibus, Membris, ac Personis, & Bonis per prædictos Romanos Pontifices Prædecessores nostros, tunc suos, quomodolibet elargitis, sub certis modo, & forma tunc expressis, uti possent, & gaudere, ac si illa omnia, & singula primodictæ Congregationi specialiter, & expressè indulta fuissent, concessit pariter, & indultit, prout in dictis Literis plenius continetur. Cum autem subinde, juxta temporum succedentium opportunitatem, aliæ concessiones, & gratiæ hujusmodi Congregationi Sanctæ Justine, Cassinensium quoque nuncupatæ, per alios Romanos Pontifices Prædecessores quoque Nostros, attributæ fuerint; pro parte dicti Flaminii Nobis fuit humiliter supplicatum, ut gratias easdem, favore suæ primodictæ Congregationis extendere, ac aliàs eandem Congregationem, præcipuè ad augendum in illius Ecclesiis Divini Servitii cultum, aliqua beneficentie Nostre prærogativa decorare, ut infra, dignaremur.

§. 3. Nos igitur, firma spe, fiduciaque concepta, eandem Congregationem, quo ampliori gratiis, & favoribus ab Apostolica Sede cumulari pergat; eò majores pietatis, obedientiæ, & obsequii erga Nos, & eandem Apostolicam Sedem, aliarumque virtutum, & scientiarum fructus edituram fore, hujusmodi supplicationibus annuere, & dicto Flaminio specialem gratiam

XLVI.

Exordium a  
munificentia  
S. Sedis in  
emeritos de  
Ecclesia Vi-  
ros.

Indultis &  
privilegiis  
Congrega-  
tionem Mon-  
tis Oliveti  
decorantur  
Prædecesso-  
res Pontifi-  
ces.

Et præsertim  
Pius II., qui  
privilegia  
Congrega-  
tionis S. Justi-  
ne Paduan.  
illò usque  
concessa ei-  
dem commu-  
nicavit.

Confirmat  
primo Ponti-  
fex vetera  
indulta non  
revocata, nisi  
recepta, nec  
Tridentino  
contraria.

facere volentes, eundemque Flaminium a quibusvis excommunicationis &c. absolventes, & absolutum fore censentes, ex certa scientia, deque Apostolicæ potestatis plenitudine, omnia & singula privilegia, gratias, immunitates, exemptiones, præeminentias, & indulta a prædictis Romanis Pontificibus Prædecessoribus Nostri ejusdem primodiæ Congregationis Abbatibus, etiam Generali, Prioribus, & Monachis, necnon Monasteriis, Prioratibus, Ecclesiis, Domibus, & Locis Regularibus concessa, & elargita, eorum omnium, & singulorum tenores præsentibus pro expressis, & insertis habentes, dummodo tamen sint in usu, & non revocata, nec sub aliqua revocatione comprehensa, Constitutionibus quoque Apostolicis, & Concilii Tridentini Decretis non adversentur, harum serie confirmamus, & approbamus, illisque Apostolicæ firmitatis robur adjicimus.

Inde Pianas literas ad gratias prorendis post Pium ad hæc usque tempora univ. so Ordini S. Benedicti, & præsertim Congregationi Cassinensi, & S. Justinae concessas.

§. 4. Ac præterea eidem primodiæ Congregationi, illisque Abbatibus, Prioribus, & Monachis, necnon Monasteriis, Prioratibus, Ecclesiis, Domibus, & Locis Regularibus quibuscumque, ut ipsi, & ipsa, omnibus, & singulis privilegiis, gratiis, exemptionibus, immunitatibus, concessionibus, & indultis, alii dicti Ordinis Sancti Benedicti, & præcipue Congregationi Sanctæ Justinae, seu Cassinensi prædictæ, earumque Abbatibus, Prioribus, & Monachis, necnon Monasteriis, Prioratibus, Ecclesiis, Domibus, & Locis Regularibus, a Prædecessoribus Nostri prædictis, signanter post præfatas dicti Pii Prædecessoris Literas, sive communiter omnibus, sive earum singulis non tamen ex peculiaribus causis, & titulis, in hunc usque diem, ac etiam per Nos, concessis, & elargitis, ac quibus præfata Cassinensia, aliaque dicti Ordinis Congregationes legitime utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, pari modo uti, frui, potiri, & gaudere liberè, & licite valeant, perinde acsi privilegia, gratiæ, exemptiones, immunitates, concessionibus, & indulta hujusmodi, Congregationi primodiæ, illisque Abbatibus, Prioribus, & Monachis, ac Monasteriis, Prioratibus, & Ecclesiis, Domibus, & Locis prædictis directè, & non per medium communicationis hujusmodi, concessa, & concessæ fuissent, auctoritate, & tenore præfatis concedimus, & indulgemus, ac privilegia, gratias, exemptiones, immunitates, concessionibus, & indulta hujusmodi ad Congregationem primodiæ extendimus, & ampliamus.

Ob singularem universæ Congregationis devotionem erga S. Franciscam Romanam.

§. 5. Porro attendentes eandem Congregationem erga Sanctam Franciscam Romanam nuncupatam, sui olim, dum in humanis ageret, Instituti Oblatam, aliarumque similium Oblatarum in Urbe Matrem, & Fundatricem, specialis devotionis studium semper professam fuisse, & prosteri, illiusque cultum per ipsius Congregationis Professores, in Locis præcipue, ubi Monasteria ejusdem Congregationis exstant, propagatum fuisse, itaut in singulis ferè eorum Ecclesiis Altare aliquod Omnipotenti Deo in honorem dictæ Sanctæ dicatum reperiat, ipsaque Congregatio, præter Beatum Bernardum Tholomei Fundatorem suum, dictam Sanctam Franciscam in specialem Protectricem agnoscat; ad augendum dictæ Sanctæ Franciscæ cultum, ac illius Festi diei celebritatem, ut in singulis Ecclesiis Conventualibus primodiæ Congregationis Monasteriorum, in quibus Claustralis viget observantia, dilecti Filii moderni, & pro tempore existentes dictorum Monasteriorum Abbates, die Festo dictæ Sanctæ Franciscæ, Missam solemnem, & Divina Officia, assistentibus sibi uno saltem Diacono, & alio Subdiacono, alioque Pluviali induto, aliisque Clericis, Ponti-

Ut Sacra ipsi die in Claustralis Ecclesiis Missam, divina Officia Abbates Pontificaliter celebrare possint, sub certis modis indulget.

ficiter, & more Episcoporum, præter tres alios dies, juxta Canonica Decreta præfinitos, servatis tamen aliis, tam Literarum in forma Brevis Urbani VIII. incipien. Exponi sub datum Romæ sub Annulo Piscatoris die v. Aprilis MDCXXXIX. expeditis, quam generalis Decreti Alexandri VII. Romanorum Pontificum Prædecessorum nostrorum die xxvii. Septembris MDCLIX. editi, respectivè forma, & dispositione, & non alias, celebrare liberè, & licite possint, & valeant, Apostolica auctoritate prædicta, harum quoque serie etiam concedimus, & indulgemus: Iisdemque modernis, & pro tempore existentibus primodiæ Congregationis Abbatibus plenam, & liberam potestatem, & auctoritatem desuper impertimur.

Firmitate superius statuta.

§. 6. Eisdemque modernis, & pro tempore existentibus dictæ Congregationis Abbates, Monachos, & Personas super præmissis, aut eorum aliquo, a quibusvis Locorum Ordinariis, vel aliorum Ordinum, & Congregationum Abbatibus, aut aliis quibuscumque, quavis auctoritate, & quovis prætextu, colore, vel ingenio, publicè, vel occultè, directè, vel indirectè, molestari, inquietari, aut perturbari ullo unquam tempore nullatenus posse, neque debere: Præsentibus quoque Literas de subreptionis, vel obreptionis, aut nullitatis vitio, seu intentionis Nostre defectu minime notari, nec sub quibusvis similibus, vel dissimilibus gratiarum revocationibus, suspensionibus, limitationibus, derogationibus, aut aliis contrariis Dispositionibus, per quascumque Regulas, & Constitutiones Apostolicas per Nos, & Successores nostros Romanos Pontifices pro tempore existentes, etiam Motu proprio, ac aliis sub quibusvis tenoribus, & formis pro tempore factis, & faciendis, & concessis, ac concedendis, comprehendi, sed semper ab illis excipi, ac illas temper validas, & efficaces existere, suosque plenarios, & integros effectus fortiri, & obtinere: Sicque, & non alias per quoscumque Judices, etiam Causarum Palatii Apostolici Auditores, ac Sanctæ Romanæ Ecclesiæ Cardinales, etiam de Latere Legatos, Vice-Legatos, dictæ Sedis Nuncios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere decernimus; irritum quoque & inane, si secus super his à quoquam quavis auctoritate scienter, vel ignoranter contigerit attentari.

Derogatur contrariis quibuscumque.

§. 7. Non obstantibus prædictis Urbani Literis, & Alexandri Prædecessorum prædictorum Decretis in ea parte, qua præsentibus adversantur, ac quibusvis aliis Apostolicis, seu in Synodalibus, Provincialibus, Generalibusque Conciliis editis, vel edendis, Constitutionibus, & Ordinationibus, necnon primodiæ Ordinis, & Congregationis, etiam juramento, confirmatione Apostolica, vel quavis firmitate alia roboratis, Statutis, & consuetudinibus, Privilegiis quoque, Indultis, & Literis Apostolicis dicto Ordini, & Congregationi primodiæ, ac quibusvis aliis Superioribus, & Personis in genere, vel in specie, aut aliis in contrarium præmissorum, quomodolibet forsan concessis, confirmatis, approbatis, & innovatis: Quibus omnibus, & singulis, etiam si de illis, eorumque totis tenoribus specialis, specifica, expressa, & individua mentio, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata inserti forent, præsentibus pro expressis habentes, illis aliis in suo robore permanentis, hac vice dumtaxat latissime, & plenissime, ac specialiter, & expresse derogamus, cæterisque contrariis quibuscumque.

Sanctio penal.

§. 8. Nulli ergo omnino Hominum liceat hanc paginam Nostre absolutiæ, confirmationis,

approbationis,

approbationis, concessionis, Indulti, extensionis, ampliacionis, decreti, & derogationis, infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, ac Beatorum Petri & Pauli Apolorum ejus, se noverit incursum.

Datum Romæ apud S. Mariam Majorem Anno Incarnationis Dominicæ Millefimo septingentesimo quinquagesimo quinto, Kalendis Aprilis, Pontificatus Nostri Anno Quintodecimo.

D. Card. Passioneus.

J. Card. Pro-Datar.

V I S A

De Curia J. C. Boschi.

L. Eugenius.

Loco † Plumbi.

Registrata in Secretaria Brevium.

Dat. 1. Aprilis 1755. Pontif. ann. 15.

XLVII.

Confirmatur Resolutio Congregationis deputatæ super correctione librorum Ecclesiæ Orientalis, super abbreviatione Officii, & Missæ pro Monachis Ordinis S. Basilii.

BENEDICTUS PAPA XIV.

Ad futuram rei memoriam.

Ad debitum Deo cultum exhibendum, & canonicas horas recitari, & Sacrificium offerri quod die voluit Ecclesia.

QUEM religionis sensum natura Nobis indit, ut non solum laudemus, celebremus, & glorificemus jugiter Dominum omnium conditorem, propter quod rationales facti sumus, & a brutis differimus; verum etiam ut oblationibus & sacrificiis placemus Deum nostrum, ac scelera nostra expiemus; ad eundem tam in veteri Testamento, quam in Catholica JESU CHRISTI Ecclesia alendum, fovendum, adaugendumque in primis studia omnia intenta fuerunt. Quoniam autem JESUS CHRISTUS verus Deus, verusque homo, Mediator Dei & hominum, Sacerdos in æternum secundum ordinem Melchisedech, cessante carnalium sacrificiorum varietate, omnes differentias hostiarum una Corporis & Sanguinis sui implet oblatione; & quomodo adorare Patrem suum in spiritu & veritate, ipsamque orare & laudare docuit, exemplumque præbuit; Sancti Apostoli ab eo Magistro instructi, ac per ipsos Catholica Ecclesia Spiritu Sancto inspirante edocta, & Officium Canonicarum Horarum, debita cum rituum, caeremoniarumque magnificentia, Deo quotidie persolvendum digessit; & Sacrosanctum Missæ Sacrificium, in quo nimirum Agnus Dei in odorem suavitatis Deo jugiter a Sacerdotibus immolatur, & panem de cælo verum comedimus, cum ritibus pariter, caeremoniis, & precibus, quotidie in Ecclesiis peragendum mandavit. Utrumque vero Officium scilicet & Sacrificium, ut Omnipotenti Deo esset magis gratum & acceptabile, diversæ, variæque, quoad sacras preces, ritus, & caeremonias, initæ fuerunt rationes, juxta diversas, variæque nationes, & religionum hominum Ordines, atque Instituta tum Occidentalis, tum Orientalis Ecclesiæ, quæ secundum acceptum a majoribus cujusque morem & consuetudinem, etsi pro temporum vicibus aliquando variatam, in unitate tamen Catholice Fidei, doctrinæque persistentem, quamplurima pro libito & pietate addere studuerunt. Apostolica autem hæc Sancta Romana Sedes nihil habuit an-

In variis diversarum gentium caeremoniis eadem semper unitas fidei.

Ecclesia Romana humane fragilitate

tiquius, nihil curavit impensius, quam ut cum de utroque nempe Officio & Sacrificio ab ipsa aliquid exquisitum fuit, quoad fieri posset, brevitati ac sinceræ pietati, servatis servandis, consuleretur; ne quamplurimi ex Christianis, sive recitantibus, sive celebrantibus, sive audientibus Officium, vel Missam infirmiores, tum propter prolixitatem, tum propter linguæ ignorantiam tædio affecti, quam inde percipere solebant, Spiritus pinguedinem & suavitatem averfari inciperent.

§. 2. Porro cum Dilectus Filius Augustinus Sciommari Monachus & Abbas Ordinis Sancti Basilii, ejusque modernus in hac Alma Urbe nostra Procurator Generalis, nomine totius suæ Congregationis, Nobis supplices preces humiliter porrigendas fecerit, ut dignemur abbreviare Missam & Officium Divinum, pro quibus recitandis, ac celebrandis adeo longum tempus infumendum est, ut id vix ob humanam infirmitatem sine tædio aliquo peragi possit, & modicum eis temporis spatium superest, quo operam sacrarum literarum studiis dare valeant: Nos fanè preces hujusmodi remisimus ad Dilectum Filium nostrum Fortunatum Tituli Sancti Calixti Presbyterum S. R. E. Cardinalem Tamburinum nuncupatum, Congregationi Particulari super correctione Librorum Ecclesiæ Orientalis deputatæ Præfectum, ut eas eidem Congregationi expendendas, atque examinandas proponeret.

§. 3. Itaque dicta Congregatio habita die VII. Maii, & XIII. Augusti MDCCCLII. rescriptit, indulgeri posse, ut abbreviatio Officii ferialis extra Quadragesimam fiat juxta modum infra designatum, nempe quoad abbreviationem Matutini diebus ferialibus, præter Quadragesimam, retineatur integrum Cathisma: Omittatur Exapfalmon, sed quotidie unus ex Psalmis in eo comprehensis ex ordine recitetur. Die autem Dominico integrum Exapfalmon dicatur, & quatuor Psalmi, qui notantur in Horologio Basilianorum pagina 42. Aliis vero diebus non ferialibus feratur Typicus solitus usque ad primum Canonem exclusivè: Canon Sancti ad Triodiam redigatur, nempe prima, octava, & nona Ode recitetur: Postea dicatur Canon Feriæ, sed tria tantum Troparia singularum Odarum, scilicet primum, quod ad Feriam; alterum quod ad Sanctos Martyres; ultimum quod ad Beatam Virginem pertinet: Post tertiam Odem, solitæ Cathismæ, seu Antiphonæ: Post sextam, consuetum Conthacion, seu Leon; deinde Synaxarium Sancti: Post octavam Odem Psalmus Magnificat, & solita Exapostillaria, & reliqua juxta Typicum. Quoad abbreviationem Vesperarum, ex sex Antiphonis, seu Stichis, quatuor tantum dicantur; deinde: Gloria, & hymnus: Lumen hilare, versiculi; & prophetiæ, aut lectiones e Scriptura, quando occurrunt: Post Orationem: Dignare, omittantur Antiphonæ: Deinde dicatur Psalmus: Nunc dimittis: reliqua autem omnia, de quibus nihil adnotatur, juxta solitum. Quoad abbreviationem Completorii: Canon redigatur ad Triodiam, & in ejus recitatione intermiscantur de more Oratio Dominica, Antiphona, & Synaxarium, quando oportet: Deinde Psalmus: Magnificat, & reliqua omnia de more, ut in Horologio.

§. 4. Postea tractatum est de abbreviatione Missæ privatæ, & eadem Congregatio censuit permitti posse in hunc modum: Facta præparatione materiæ de more in Altari cum solitis Orationibus, Missa privata incipiat a verbis illis. *Εὐδοκίῳν ἡ βασιλεὺς Ὁ. Benedictum Regnum Ὁ. cætera*, quæ præcedunt, recitentur a sacerdote, vel in Sacrario, vel dum pergit ad Altare. Magnam Synaxium, seu Collectam esse retinendam. Retineantur quoque Orationes primi, secundi, & tertii Antiphoni, una cum exclamationibus, & cum ipsis Antiphonis. Minor autem

ti parcens, semper studuit brevitati.

Preces Procuratoris Generalis Ordinis S. Basilii, ut brevior Missa, & Officium pro sua Congregatione redderetur.

Rescriptum Congregationis deputatæ super correctione Librorum Ecclesiæ Orientalis, cui fuerunt remissæ preces, quoad abbreviationem Officii.

Alterum ejusdem Congregationis rescriptum quoad abbreviationem Missæ privatæ.